

大方等大集經

第十四

九十一  
讓七

47688



元祿九年丙子二月日重脩

皇圖聖業固帝衢銀昌

佛日增輝懋輪常轉

山城州天安寺法金剛院置





大方等大集經卷第十四

讓

北涼天竺三藏曇無讖於姑臧譯

虛空藏菩薩品第八之三

爾時眾中有一菩薩名曰速辯即從座起偏袒右肩右膝著地合掌向佛白佛言世尊此虛空藏菩薩何因緣故名虛空藏佛告速辯

菩薩善男子譬如大富長者多諸民眾無量庫藏財寶充滿能行布施心無慳悋若行施時貧窮往者隨意所須開大寶藏悉能給與彼諸眾生皆得適意長者施已心喜無悔善男子虛空藏菩薩亦復如是常行功德成就方便力迴向故戒身善清淨故得成就神足



力故純至究竟善清淨故所願增益成就故  
知一切法如幻化故得如來神足力故於虛  
空中隨衆生所須若法施若財施盡能施與  
皆令歡喜以是故善男子是大士證此方便  
智故名虛空藏復次善男子過去無量阿僧  
祇劫復過無量阿僧祇劫不可思議不可稱  
不可量不可筭數爾時有佛出世号普光明  
王如來應供正遍知明行足善逝世間解無  
上士調御丈夫天人師佛世尊世界名大雲  
清淨劫名虛空淨是大雲清淨世界豐足熾  
盛安隱快樂多諸天人地平如掌無諸沙礫  
荆棘寶繩界道雜寶莊嚴濡如天衣閻浮檀



金花遍布其地衆寶間錯世界衆生無上中  
下人天同等如兜率天彼世界無有村營城  
邑聚落是諸天人各有寶樓臺觀人宮在地  
天處虛空以此爲異是普光明王如來壽命  
十六中劫純以菩薩爲僧有六十那由他皆  
得神通遊戲於菩薩行悉得自在尔時三千

大千世界處中有一四天下名曰日明如來  
於中成阿耨多羅三藐三菩提於三千大千  
世界而作佛事彼日明四天下中有轉輪聖  
王名功德莊嚴於四天下而得自在七寶成  
就是大聖王於四天下中起七寶臺東西八  
由旬南北四由旬周匝有五百園觀是功德

莊嚴聖王有三十三萬六千宮人嫫女端正  
姝妙如天玉女有四萬童子端正勇健各與  
半那羅延力等。爾時功德莊嚴王與童子嫫  
女及諸眷屬俱出詣大樂莊嚴園遊觀作樂  
歌舞以自娛樂。爾時衆中有二大夫人一名  
德威二名德光。離本坐處詣一樹下思惟諸  
行無常當思惟時各有一子化生昧上端正  
殊妙成就第一微妙之色相好。嚴身觀者無  
厭身放大光普照園觀於上空中。諸天唱言  
此二童子一名師子二名師子。進從是已來  
常名師子師子。進。爾時二子適生不久說諸  
妙偈讚功德莊嚴王言。



昔造善惡不敗亡  
純至不捨菩提心  
調伏自守不失戒  
能報恩者造善業  
善能專心定諸根  
以智能造不濁業  
不爲煩惱所染著  
是故能捨受胎形  
我等從上醫王佛  
智慧無等叵思議  
願共父王到佛所  
諸佛世尊甚難值

供養諸佛亦不失  
堅持所聞不忘智  
忍辱柔和善防護  
能勤精進不失道  
心能分別思惟惠  
以此淨法證菩提  
善能分別諸義趣  
化生清淨蓮花中  
聞此普光明如來  
故來至此爲法故  
禮拜供養大法王  
亦如優曇波羅花

王聞是語甚適意  
百千萬種導從王  
到已瓔珞及雜花  
供養圍遶七帀已  
尔時師子師子進  
以口鳴足而讚歎  
世尊是舍依止護  
體眾心行到彼岸  
今此大王恃王位  
是故不來至佛所  
快哉世尊生大悲  
今此大王發道心

時會大眾皆歡喜  
俱共發進向佛所  
塗香伎樂諸供具  
合掌敬禮在前立  
頂禮兩足天人尊  
言辭妙巧順法義  
為世盲冥開大明  
隨所信樂能悅可  
貪著色聲香味法  
失供養佛不聞法  
願說無上菩提去  
堅固不退於佛智



佛踊八十多羅樹  
人王汝今至心聽  
五欲無常喻如夢  
王及國邑如幻化  
習行欲者無厭足  
習猶未足而命終  
汝當善順觀己身  
四大其猶如毒虵  
妻子珍寶及王位  
唯戒及施不放逸  
觀我神足力無畏  
辭應弟子徒衆等

處在虛空告王言  
聞已如法而奉行  
命喻草火如霜露  
是故智者不足貪  
習欲更增渴愛心  
唯得聖智者乃足  
諸陰如幻不堅固  
六情無實如空聚  
臨命終時無隨者  
今世後世為伴侶  
以諸相好莊嚴身  
是故王宜發道心

大王即時聞法已

妻子眷屬皆歡喜

七十六千億衆俱

皆發無上菩提心

皆言我已發道心

誓度一切諸衆生

我等涉行爲衆生

成正覺已度脫之

爾時功德莊嚴王從佛聞說如斯等偈及見神變已復增益堅固菩提之心頂禮佛足而

白佛言唯願世尊及菩薩弟子大衆受我八万四千歲請願以衣服飲食卧具醫藥給侍所須爾時世尊及諸大衆爲憐愍王故即便受請於是功德莊嚴王知佛受其請已歡喜踊躍頂禮佛足遶已便去時王子師子師子進及二万王子捨世榮位於佛法中剃除鬚



髮出家修道勤行精進樂求善法師子及師  
子進出家未久得五神通堅固不退彼佛知  
此二人得神通已加其威神常爲衆生演說  
妙法彼二比丘即於彼三千大千世界從國  
至國從四天下至四天下施作佛事而爲說  
法彼二比丘以如是因緣化度無量阿僧祇  
衆生令堅固不退於無上大乘尅時功德莊  
嚴王於八万四千歲中以諸樂具供養世尊  
及大衆已與一切群臣前後侍從爲聽法故  
往至佛所而作是念我諸子等剃除鬚髮出  
家修道常受供養自不行施亦未見得過人  
之法寧可還家捨財布施修諸功德如我所

種諸善根耶。爾時普光明王如來即知功德莊嚴。王心所念告師子進菩薩言。善男子。現汝自在功德神力。菩薩變現使此大衆普得見聞。迴彼邪心。使得正見。爲降伏諸魔外道。故爾時師子進菩薩即時入定。已現如是等相。使三千大千世界六種震動。於上虛空中雨種種妙物。所謂諸花香末香塗香。繒蓋幢幡。作種種天樂。美饍飲食。瓔珞衣服。種種珍寶。皆從空中續紛而下雨。如此寶滿足。三千大千世界衆生。得未曾有。皆大喜悅。爾時從地神諸天上。至阿迦貳吒天。皆歡喜踊躍。唱如是言。此大菩薩可名虛空藏。所以者。何以從



虛空中能雨無量珍寶充足一切故今時世  
尊即印可其言名虛空藏於是功德莊嚴王  
見師子進作如是無量神變心意踊悅得未  
曾有捨憍慢心合掌向佛作如是言希有世  
尊菩薩功德智慧乃能如是自然而雨無量  
珍寶充足一切終無窮盡世尊在家者施所  
益無幾夫出家者以神通力施無崖際在家  
者施不稱彼意雖施猶悋以爲苦惱出家者  
施能稱彼意亦不悋惜不生苦惱今時功德  
莊嚴王即捨王位與子吉意以真信心剃除  
鬚髮於佛法中出家修道王出家已爲增長  
善法故常勤精進出家未久修得四禪四無

量心及五神通時吉意王以法治化國無怨  
者精進不廢供養世尊佛復告速辯菩薩善  
男子尔時功德莊嚴王者豈異人乎莫造斯  
觀即拘留孫如來是也尔時師子菩薩者則  
我身是尔時師子進菩薩者即虛空藏菩薩  
是也善男子虛空藏菩薩當于尔時初於空  
中雨無量珍寶以是因緣常名虛空藏善男  
子尔時王子吉意者今弥勒菩薩是也尔時  
二万王子於彼佛法中出家者今與虛空藏  
菩薩來此衆中聽法者是於彼佛法中先出  
家者彼王内外眷屬及王子所化衆生今現  
在十方行菩薩道是故速辯菩薩應常淨戒



聚增長本願以淨戒聚增長本願故隨欲所  
作皆能成辦。爾時衆中有諸菩薩渴仰欲見  
虛空藏神變之力。虛空藏相貌云：「何爾時世  
尊知衆心所念，即告虛空藏菩薩言：『善男子，  
現汝神變。』」虛空藏相。爾時虛空藏菩薩即入  
稱一切衆生意三昧。入已，以此三昧力故，於  
此大千大千世界妙寶莊嚴堂上，虛空中雨  
種種妙物。隨衆生所欲，盡給足之。所謂：須花  
雨、花須、鬘須、香須、末香須、塗香須、繒蓋、幢幡  
須、種種音樂須、嚴身之具、瓔珞衣服須、餽饌  
飲食須、車乘、翼從須、金銀琉璃玻瓈碑磬瑪  
瑙真珠珊瑚雨。如是等種種珍寶，隨意與之。

有須法。欲法樂法之者。於虛空中。隨所樂聞。出衆法音。悅可耳根。所謂修多羅。祇夜。授記。伽陀。優陀。那尼。陀。那。阿波。陀。那。伊帝。曰。多伽。闍。陀。伽。毗。佛。略。阿。浮。陀。達。磨。優。波。提。舍。須。如。是。等。經。者。盡。出。應。之。須。那。羅。等。變。音。者。須。巧。言。語。音。者。須。種。種。雜。音。者。須。甚。深。音。者。須。方便。淺。音。者。須。如。是。等。音。者。盡。出。應。之。須。聲。聞。乘。度。者。出。四。諦。法。音。應。之。須。緣。覺。乘。度。者。出。甚。深。十。二。因。緣。法。音。應。之。須。大。乘。度。者。出。六。波羅。蜜。不。退。轉。法。音。應。之。又。於。空。中。出。諸。妙。偈。曰。說。諸。法。性。如。虛。空。等。今。說。其。門。衆。咸。諦。聽。如。空。無。高。亦。無。有。下。以。無。高。下。亦。無。體。性。



如空無生。亦無有滅。以無生滅。性不敗壞。  
如空無增。亦無有減。以無增減。同諸法相。  
如空無明。亦無有闇。以無明闇。心性亦尔。  
如日照空。亦無有喜。不照不憂。智者學尔。  
如雨鋒箭。不傷於空。行者修空。亦不可傷。  
如空水潤。無有喜悅。智者稱利。亦無喜悅。  
如空毀譽。無有分別。智者毀譽。亦復如是。  
如動大地。空終不動。智者無依。不動法性。  
如千火災。不燒虛空。知煩惱者。不為所燒。  
如空常住。無有敗壞。諸法亦尔。常住法界。  
喻如虛空。受一切色。法界亦尔。受一切法。  
如空非色。相不可見。心性如是。同空無相。

虛空假名 無有形貌 心意識然 亦假名說  
如空無邊 終不可取 大人智然 與虛空等  
如鳥行空 無有足跡 行善提然 行不可見  
身滅過去 如虛空等 現在諸陰 同虛空相  
四大亦然 同如虛空 如三災後 無諸異相  
一切衆生 不能滿足 凡夫如是 五欲無滿  
若有聖智 知一切法 彼足無求 離婬貪著  
如空廣大 無有邊崖 佛法亦尔 無有邊際  
知諸法性 是佛法者 彼不依物 亦不捨物  
知物非物 任於實際 於物非物 無有二相  
以聲明空 空性非聲 無有音聲 是名為空  
佛雖說空 終已無說 空性叵說 是故名空



如幻化夢野馬影響諸佛說法皆悉如是  
為道眾生說如是喻真淨之義更無譬喻  
諸法無相以相而說相及無相法性俱無  
空相為相空亦無相體此相者是為菩薩  
無滯無礙無戲無動無始無終是為菩薩  
不離眾生非眾生數如眾生性是為菩薩  
喻如幻師煞眾幻人實無死者所度亦尔  
幻與眾生泥洹佛法知同一性無性無相  
此大士得無盡空藏充足一切不可窮盡  
昔植眾德故獲斯藏不有貯聚乃能如是  
能知諸法因緣生者其藏無盡不可思議  
救世大仙說四無盡空及道心眾生佛行

若財是實則可貯聚非實無窮是以無盡  
究竟空法已盡無盡無盡不盡是謂無盡  
知此門者近於菩提住此門故速成菩提  
以虛空藏菩薩神力故於上空中雨如是等  
妙法及財今三千大千世界一切衆生得無  
量不可思議快樂所願具足有患苦衆生蒙

藥除愈孤窮衆生得無量珍寶繫閉衆生得  
開悟解脫諸根不具者悉得具足應被刑戮  
者空中雨諸化人而代受之親愛久別悉得  
歡會被憂箭衆生悉得無憂墮三塗衆生蒙  
光觸身除一切苦惱身心快樂今時此三千  
大千世界中衆生各各飲食遊戲五欲具足



共相娛樂或有行施作諸功德一切衆生成  
就如如是等樂各作是言乃有此大士能施世  
樂此虛空藏菩薩出世故能施世間甘露乃  
能常勤為與一切衆生樂無疲倦也虛空藏  
菩薩現如是等神變悅可一切衆生性示現  
菩薩神力以財施法施攝衆生故令無量阿  
僧祇衆生發阿耨多羅三藐三菩提心令無  
量菩薩得無生法忍復令無量阿僧祇不可  
說不可說諸菩薩發勤精進故得成就諸三  
昧門陁羅尼門得遊戲神通門今時生疑菩  
薩作是念此不可思議未曾有也虛空藏菩  
薩但於娑婆世界示現種種神足也亦於他

方世界現種種神足耶今時虛空藏菩薩知  
生疑菩薩心所念即放身光以此光明力故  
普照十方無量無邊諸佛世界今時生疑菩  
薩及餘菩薩皆見虛空藏以神變力於十方  
無量無邊不可思議諸佛世界應化衆生亦  
如此娑婆世界等無有異一切聲聞辟支佛  
所不能爲生疑菩薩見如是神變已疑網即  
除合掌禮虛空藏菩薩而作是言希有大士  
乃能安此無盡之藏  
在虛空中普雨充足無  
量世界而猶不盡  
大士有安此藏在於空中  
其已久如虛空藏言善男子自我發阿耨多  
羅三藐三菩提心已來常有此藏在於空中



生疑菩薩又問大士發阿耨多羅三藐三菩  
提心已來幾時虛空藏答言世尊當知汝可  
問之生疑菩薩即白佛言世尊虛空藏菩薩  
發阿耨多羅三藐三菩提心已來為經幾時  
唯願說之除我等疑佛告生疑菩薩言善男  
子此事久遠甚深難知若當說之令諸天人  
皆生疑惑不信佛語以不信故得無量罪生  
疑菩薩復白佛言世尊唯願說之若有久植  
善根者必當信受佛告生疑菩薩言善男子  
汝已殷勤欲聞豈得不說諦聽諦聽善思念  
之吾當為汝分別解說為堅固善根久植德  
本者生喜悅故善男子喻如一恒河沙數等

諸恒河沙以此諸恒河沙一沙爲一佛土末  
余所佛土盡爲微塵聚著一處有一長壽壽之  
人於此塵聚中百劫乃取一塵盡此塵數欲知  
虛空藏菩薩發心已來劫數復過於此非筭  
數所知善男子當以此比知虛空藏發心久  
近善男子乃往過去過恒河沙數等諸恒河  
沙以此諸恒河沙一沙爲一佛土末余所佛土盡  
爲微塵復過是數百千萬劫余時有佛号曰淨  
一切願威德勝王如來應供正遍知明行足善  
逝世間解無上士調御丈夫天人師佛世尊彼  
佛世界名曰現無量諸佛刹土劫名衆寶莊嚴  
彼佛世界何故名曰現無量諸佛刹土善男



子以彼刹土真淨故能現十方諸佛刹土喻  
如無翳淨月現於清水善男子以是因緣故  
十方無量阿僧祇諸佛刹土及彼諸佛并師  
子座衆生所作皆現彼國是故彼世界名爲  
現無量刹土彼世界與百億三千大千世界  
等廣博嚴淨豐樂安隱天人熾盛地平如掌

無有丘陵埳塹穢惡不淨多諸珍寶間錯而  
成端嚴可樂懸諸繒綵幢幡花蓋莊嚴燒栴  
檀沉水衆妙雜香以雜色劫波育張施其上  
衆寶妙花以布其地在在處處生寶花樹果樹  
衣樹瓔珞樹伎樂樹寶器樹香樹燈樹藥樹  
等普以莊嚴以界八道平正分明真珠瓔珞

寶樹莊嚴觀者無厭彼世界中不假日月光  
明以諸燈樹及摩尼樹而以照明無有晝夜  
唯以寶花開合知有時節彼世界中衆生無  
盲瞎僂躄蹇短跛蹇形體不具顏貌醜惡滂  
面眯眼無有如是等醜惡衆生一切衆生皆  
成就三十二相莊嚴其身彼世界中乃無三  
塗八難諸惡名字亦不聞外道異學音聲彼  
世界衆生皆必定於阿耨多羅三藐三菩提  
亦無聲聞辟支佛名彼佛純說諸菩薩乘彼  
世界中無女人及胎產者一切衆生結跏趺  
坐自然化生無老病名盡彼壽命命終之後  
生餘清淨佛土或還生本土善男子彼土成



就如是無量無邊不可思議功德我若一劫  
若減一劫說彼功德終不能盡善男子爾時  
現無量諸佛刹土中有一轉輪聖王名曰衆  
天灌頂典領三千大千世界於諸佛所久殖  
德本利根智慧威德成就灌頂聖王有三万  
六千子皆於蓮花中化生已於過去諸佛所  
久植善根爾時淨一切願威德勝王如來與  
諸天世人大眾恭敬圍遶遊於衆天灌頂聖  
王住處諸菩薩衆無量無數非筭師及筭師  
弟子所能筭知彼佛壽命百千劫劫數長短  
如此賢劫彼世界衆生經爾所劫謂如一劫  
爾時衆天灌頂聖王請淨一切願威德勝王

如來及菩薩僧四十中劫劫數長短如此中  
劫供養適意餽饌飲食衣服卧具房舍臺觀  
園林浴池如是等種種所須之物而以供養  
亦時衆天灌頂聖王爲供養佛故莊嚴一小  
千世界以爲妙堂純以琉璃寶莊嚴其地周  
帀垣墻衆寶合成以赤栴檀及優陀羅娑羅  
旃檀爲柱以車渠寶爲櫺櫺間錯此堂以如  
是等莊嚴合成甚可愛樂卅尊中食後從三  
昧起在此堂中爲諸大衆講說妙法復莊嚴  
一堂與一四天下等欲令如來及菩薩僧於  
其中食日日所用食直玠寶如大山積善男  
子亦時衆天灌頂轉輪聖王於四十中劫常



專一念未曾放逸不作餘事常以一切樂具  
供養如來及菩薩僧於尔所時所作功德亦  
不發願有所志求過四十中劫於最後日以  
無價三衣供養如來諸菩薩僧各施一衣當  
于尔日世尊中後為諸大衆廣說妙法於時  
衆天灌頂聖王侍從圍遶為聽法故往詣佛  
所尔時世尊知彼聖王功德淳淑堪任有用  
於時世尊及衆天灌頂轉輪聖王等七日七  
夜都無食想處師子座身不傾動說大乘經  
名攝菩薩淨行不退轉輪方便世尊說如是  
法為欲令盡受持不忘失故灌頂聖王於七  
日七夜心不分散從佛聞法歡喜踊躍其心

悅豫從座而起頂禮佛足右遶七匝遶七匝  
已右腓著地合掌向佛深心淳至發阿耨多  
羅三藐三菩提心已即說偈言

我發無上心 請召諸群生 無救者作救

真世開大明 非為一法行 非為供一佛

非為一衆生 願度無餘故 生老病死苦

衆惱所逼者 一切莫憂懼 我誓要當度

欲瞋癡慢覆 失道造諸惡 正斷邪惡業

導至無畏城 墮三塗衆生 難處受衆苦

強志莫憂懼 我生施無畏 無明癡所翳

不識解脫門 我為然法炬 得明至涅槃

為四流所澍 沉溺不得邊 為造勝法船



令度諸有流

處生死飢饉

食先白業盡

我爲作導師

當令至安樂

佛告生疑菩薩言善男子今時灌頂聖王說  
此偈已彼佛世界即六種震動光明遍照於  
時聖王發道心已即得菩薩三昧名曰不退  
菩提心以得此三昧力故常得見諸佛無礙  
乃至夢中一切煩惱不爲作患自是已後其  
心不與嫉妬共俱不與破戒俱不與瞋恚俱  
不與懈怠俱不與散亂俱其心不與愚癡等  
俱彼灌頂聖王盡其形壽常給侍世尊左右  
爲聞法故又常教化三万六千子令發阿耨  
多羅三藐三菩提心亦復教化餘無量無邊

衆生令發阿耨多羅三藐三菩提心善男子  
尔時衆天灌頂轉輪聖王者豈異人乎莫造  
斯觀即今虛空藏菩薩是也尔時彼諸王子  
及諸大衆教令發阿耨多羅三藐三菩提心  
者今此會中大力精進大智惠諸菩薩摩訶  
薩聽法者是善男子虛空藏菩薩發心已來  
經如是無量阿僧祇劫行菩薩道此虛空藏  
菩薩從發心已來未曾失菩提心未曾胎生  
常值諸佛聽法供養衆僧於諸佛所受持正  
法攝取爲首未曾失念能善分別成就遍行  
初發心已得甚深難解菩薩初地能行諸施  
成就大悲得無戲論無有厭倦發勤精進學



一切諸論知一切出法成就慚愧得堅固念  
力此菩薩住於初地於無量阿僧祇不可稱  
不可量不可思議不可說不可說阿僧祇劫  
能淨純至具足行檀波羅蜜於諸衆生常行  
大慈懃修攝法一切波羅蜜及諸助道法成  
就欲精進不放逸等皆隨順檀波羅蜜是菩  
薩住於初地常懃給侍供養諸佛勤求方便  
教化衆生淨佛國土住於初地得入一切諸  
地智惠光明而不過初地然後乃成就無量  
功德智惠資糧得如來力持不退神通已離  
諸地障礙而從初地入菩薩第二地住無量  
阿僧祇劫淨於二地修尸羅波羅蜜乃至十

地爲一一衆生所經劫數亦復如是於一一地中過無量阿僧祇劫成就菩薩行爲諸衆生現作佛事而不捨菩薩所行善男子少有菩薩能行如是甚深不思議殊勝不散亂純至勤修進行如此虛空藏菩薩所行成就者尔時生疑菩薩問虛空藏菩薩言希有善男子乃能如是發弘誓願於此大乘久住生死無疲倦耶虛空藏答言善男子此大地運載諸山河石壁樹木叢林一切藥草百穀苗稼及諸衆生有疲倦不答言不也大士虛空藏言善男子諸菩薩心亦如大地純至成就故行菩薩行無有疲倦亦復如是虛空藏復言



善男子如此大地住於水上此水持地無有  
疲倦諸菩薩心亦如大水以大悲力故教化  
衆生無有疲倦亦復如是虛空藏復言善男  
子如此大水住於風上此風持水無有疲倦  
諸菩薩心亦如大風以大方便力故淨佛世  
界無有疲倦亦復如是虛空藏復言善男子  
喻如大風住於空中無所依止此空持風無  
所障礙無有疲倦諸菩薩心亦如虛空以般  
若波羅蜜力故集一切佛法無有懈廢疲倦  
亦復如是所以者何菩薩知一切法相所以  
成就無生無作者無受者因緣合成故而有  
所作所作諸法亦無有實本際空故本際離

故實無成就自性空故無生無滅知一切諸  
法性相如是故不見有法可生疲厭及疲厭  
者所以者何菩薩知一切法無二故知生死  
性與涅槃性等知涅槃性與一切法性等知  
一切法性與無性等故亦不恃不著知一切  
諸法過去際未來際無自性以定力故誓願  
力故不起於定而能現一切所作尔時生疑  
菩薩請虛空藏菩薩言唯願大士說諸菩薩  
三昧行業何謂三昧何謂行三昧業者虛空  
藏菩薩答生疑菩薩言善男子有八万四千  
種諸三昧門此諸三昧門能揔攝一切諸餘  
三昧何等是八万四千三昧門善男子菩薩



有三昧名曰不忘菩提心能成就不散亂行  
有三昧名曰降伏能淨純至有三昧名曰不  
顯行能究竟成就不退所作有三昧名曰無  
依能增進成就畢竟有三昧名曰無垢能成  
就自心有三昧名曰照耀能開示善法有三  
昧名曰真淨能過一切魔行有三昧名曰踊  
出終不爲外道諸論之所降伏有三昧名曰  
捨離能調伏一切諸煩惱結有三昧名曰迴  
伏能令一切入真實道有三昧名曰轉進能  
離聲聞辟支佛地有三昧名曰樂遊能不厭  
生死有三昧名曰趣向能從一地至一地故  
有三昧名曰怡液能成就悅可大衆故有三

昧名曰無礙光能於一切衆生成就等心有  
三昧名曰知所作能順一切所作不逆故有  
三昧名曰師子相能成就大衆無所畏有三  
昧名曰心勇能降伏四魔有三昧名曰蓮華  
莊嚴能成就不染世法有三昧名曰光莊嚴  
能普照諸佛世界有三昧名曰清涼能斷離  
憎愛故有三昧名曰幢相能成就一切佛法  
光明故有三昧名曰炬王能成就大智惠光  
明有三昧名曰日光能成就斷除無明闇冥  
有三昧名曰集德能成就辯辯無盡有三昧  
名曰那羅延能成就金剛身有三昧名曰堅  
固能成就不掉動心有 三昧名曰彌樓幢能



成就不見頂相有三昧名曰堅自在能成就  
度本願有三昧名曰金剛士能成就不退諸  
通有三昧名曰金剛場能成就昇於道場有  
三昧名曰喻如金剛善能鑑徹一切諸法有  
三昧名曰行王能觀一切衆生心行有三昧  
名曰惠王能成就勝智知諸根滿足未滿足  
者有三昧名曰隨類能成就隨衆生性而爲  
說法有三昧名曰修一切諸身能成就法身  
有三昧名曰不眴能得成就無礙見諸如來  
有三昧名曰無諍能得分別一切因緣有三  
昧名曰無垢輪能得成就轉妙法輪有三昧  
名曰電光能得覺諸法因緣有三昧名曰善

分別能知諸界盡同一界有三昧名曰莊嚴  
王能得成就相好有三昧名曰隨解王能以  
一音報於一切有三昧名曰不分別法界能  
知一切三昧同一三昧有三昧名曰堅固能  
得不退於諸法性有三昧名曰不可壞能知  
諸法同於法性有三昧名曰無終能知本際

非際有三昧名曰無作能成就如如無有變  
易有三昧名曰無動能知諸法平等如虛空  
有三昧名曰淨住能得成就諸波羅蜜有三  
昧名曰善攝能成就四攝法有三昧名曰等  
行能得成就四梵行有三昧名曰無礙觀能  
得成就諸助道法有三昧名曰海印能得摠



持諸佛所說有三昧名曰空能斷一切諸見  
有三昧名曰無相能斷一切諸覺有三昧名  
曰無願能得淨成就一切諸願有三昧名曰  
決了能得成就無生法忍有三昧名曰不脫  
能得成就不失所聞法有三昧名曰無堅能  
以善說悅可衆生有三昧名曰得豐能得成  
就寶手有三昧名曰法雲能雨一切法門有  
三昧名曰寶莊嚴能得成就不斷三寶勝種  
有三昧名曰無比能成就智所作業有三昧  
名曰虛空門能得離一切障礙有三昧名曰  
智印能得遍知一切諸法有三昧名曰現見  
諸佛能得成就諸如來功德有三昧名曰選

擇寂靜如意能得成就離於本際有三昧名  
曰分別一相法門能得成就於未來世說一  
相法門有三昧名曰了知一切法平等性能  
得成就解了一切經書有三昧名曰集諸功  
德能得潤益一切衆生有三昧名曰遊戲神  
通能得成就不思議解脫有三昧名曰自覺  
能入如來秘密之藏有三昧名曰首楞嚴能  
於菩薩地中乃至示大涅槃有三昧名曰遍  
至能得成就在在現生有三昧名曰灌頂王  
能得成就菩薩所行無餘有三昧名曰無勝  
能得成就如來十力有三昧名曰無盡能得  
成就四無所畏有三昧名曰無等等能得成



就佛不共法有三昧名曰願王能得成就諸  
所聞法自利利他功不唐捐有三昧名曰善  
入無垢印能現前覺了一切佛法有三昧名  
曰善知覺能得成就薩婆若智無有遺餘有  
三昧名曰盡無邊能得成就一切佛事受行  
無餘善男子此謂八万四千三昧門以此等  
為首菩薩坐道場時便得八万四千諸三昧  
門一一三昧以無量阿僧祇百千万億三昧  
以為眷屬善男子是諸三昧能知八万四千  
種衆生諸所行法亦能顯現八万四千法聚  
善男子是為略說諸菩薩行及諸佛法藏少  
分而諸菩薩行無量無邊諸佛法藏不可思

議今時虛空藏菩薩說是法時有萬六千菩  
薩得柔順忍無量三昧而現在前復有八萬  
四千衆生發阿耨多羅三藐三菩提心今時  
世尊讚虛空藏菩薩言善哉善哉善男子快  
說是諸三昧法門善說如來勝智如汝自身  
證行此法不從他得今時生疑菩薩合掌白  
虛空藏言希有大士乃能成就如是不可思  
議功德不從他聞而能入於如來勝智行處  
我亦願樂欲令一切衆生得此不思議法如  
來行處今時大德舍利弗問生疑菩薩言善  
男子誰爲汝作生疑名也生疑菩薩答舍利  
弗言善提心爲我作此生疑名所以然者若



不發菩提心於佛法中終不生疑其有發阿  
耨多羅三藐三菩提心者其人於一切佛法  
則生疑惑爲欲現知明了一切佛法故譬如  
灌頂刹利王最大太子成就王相應作國主  
次父之後應紹王位是故其子每常諮問治  
國之法我當云何監領國事大德舍利弗菩

薩摩訶薩亦復如是畢竟發阿耨多羅三藐  
三菩提心者次如來後亦應紹繼無上法王  
尊位亦常思惟諮問一切智相應之法我等  
應當云何持無上法王法也是故亦於一切  
佛法每常生疑大德舍利弗當知以此因緣  
由菩提心故立此生疑名也生疑菩薩復語

舍利弗言大德我從昔來不憶值諸佛菩薩  
及善知識未曾不問諸佛妙法是故我真名  
生疑也

大方等大集經卷第十四

荆棘上音京下濡字軟這字適繒上自蓋上自讓陵反饅音

膳二同時續紛賓反芳文鬚鬚

莫班反餽上銜上刑戮六音

培培上苦回坑也盲瞎呼捌反眇儻

蹇上必亦反脚屈病也下瘞短上昨和反跛

蹇上輦反行不正自洿面上音烏正作打昧

眼斜視也垣墻上音廬柱上音溥





